

Samningur

mennta- og menningarmálaráðuneytis

við Landssamband KFUM og KFUK á Íslandi

um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og KFUM og KFUK á Íslandi kt. 690169-0889, í samningi þessum nefnt KFUM og KFUK, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- KFUM og KFUK í samstarfi við aðildarfélög sín geti skipulagt fjölbreytt félags- og tómstundastarf fyrir börn og ungmenni. Stuðningur ríkisins við starf KFUM og KFUK tekur mið af gildi starfsins sem félags-, forvarna-, uppeldis- og menntunarvettvangur barna og ungmenna.

1.2. Starfsemi

- Starfsemi KFUM og KFUK miðast að því að samræma starf aðildarfélaganna og auka samstarf þeirra á milli. KFUM og KFUK veitir aðildarfélögum sínum aðstoð, stendur fyrir fræðslu til iðkenda og leiðtoga í starfi félaganna.
- Starf KFUM og KFUK miðar að því að efla trúarlíf og siðferðiskennd og hlúa að andlegri, líkamlegri og félagslegri velferð einstaklingsins. KFUM og KFUK eru kristileg og samkirkjuleg sjálfboðaliðasamtök fyrir karla og konur sem leggur sérstaka áherslu á virka þátttöku ungs fólks í samfélaginu.
- Samtökin hafi aðgerðaráætlun ef upp koma mál er tengjast kynferðislegu ofbeldi eða einelti. Ráðuneytið vekur athygli á mikilvægi þess að samtökin vinni gegn hatursorðræðu á netinu og í starfinu.

2. Forsendur samnings og lagaheimildir

- 2.1. Framlag ráðuneytisins til samnings þessa er í fjárlögum 2016, 37,1 m.kr. Þar af er 5 m.kr. framlag til sumarbúða fyrir börn með sérþarfir.
- 2.2. KFUM og KFUK starfar samkvæmt lögum félagsins sem samþykkt voru 29. apríl 2006.
- 2.3. KFUM og KFUK starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. KFUM og KFUK ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. KFUM og KFUK skal geta lagt fram gögn og skýrslur þessu til staðfestingar, sé eftir því leitað.

- 3.2. KFUM og KFUK ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. KFUM og KFUK er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir framlagið í jöfnum hlutum fyrsta dag hvers mánaðar. Greitt er inn á bankareikning í viðskiptabanka KFUM og KFUK.
- 4.2. KFUM og KFUK skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að, fyrir lok mars. Einnig skilar KFUM og KFUK upplýsingar um ný verkefni eða breytingar sem kunna að verða á rekstrinum á næsta starfsári.
 - 4.2.2. Endurskoðuðum ársreikningi ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- 4.3. Eigi KFUM og KFUK í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og KFUM og KFUK funda að lágmarki árlega um samninginn.
- 5.3. Fyrir lok nóvember skilar KFUM og KFUK ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. KFUM og KFUK skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. KFUM og KFUK veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning KFUK og KFUM greinargerð um framkvæmd samnings og úttektarskýrslur skal birta á vef KFUK og KFUM jafnóðum og þessi gögn liggja fyrir. Ráðuneytinu er heimilt að birta gögnin á vef sínum.


6. Vanefndir og meðferð ágreinings


- 6.1. KFUK og KFUM tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli KFUK og KFUM ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar til 31. desember 2016.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 16. mars 2016


Karitas H. Gunnarsdóttir, skrifstofustjóri


Auður Pálsdóttir, formaður KFUM og
KFUK á Íslandi